

《無量壽經優婆提舍願生偈》 補充講表

◎附表八：

○相好光一尋，色像超群生。（以下糅合《往生論註》）

◆此二句，名莊嚴身業功德成就。佛本何故莊嚴如此身業？見有佛身，受一丈光明，於人身光，不甚超絕。如轉輪王，相好亦大同；提婆達多，所滅唯二，致令阿闍世王以茲惑亂。刪闍耶等敢如螳螂，或如此類也，是故莊嚴如此身業。

○一尋：古代長度單位，八尺為一尋。此指舒臂，以人的兩臂平直向左右伸展開來的長度，名一尋。此一尋即是指佛身高六十萬億那由他恒河沙由旬。

※《大智度論》卷二十九云：「問曰：佛畢竟斷眾生相，無我相，具足空法相；何以故以相莊嚴，如取相者法？答曰：若佛但以妙法莊嚴其心，身無相好者，或有可度眾生，心生輕慢！謂佛身相不具，不能一心樂受佛法。譬如以不淨器盛諸美食，人所不喜；如臭皮囊盛諸寶物，取者不樂。以是故，佛以三十二相莊嚴其身。」

○如來微妙聲，梵響聞十方。（以下糅合《往生論註》）

◆此二句，名莊嚴口業功德成就。佛本何故興此莊嚴？見有如來，名似不尊。如外道耨（音輔，推車也。）人，稱瞿曇姓（瞿曇或喬達摩，是釋迦族的姓氏）。成道日，聲唯徹梵天。是故願言：使我成佛，妙聲遐布，聞者悟忍。是故言：如來微妙聲，梵響聞十方。

△如來所出音聲，言辭清雅，具有八種殊勝功德，令諸眾生聞即解悟。即八種梵音聲：

（一）極好音：又作最好聲、悅耳聲。謂一切諸天、二乘、菩薩，雖各有好音，卻未達極境，唯佛音聲能令聞者無厭，得入妙道，為好中之最。

（二）柔軟音：又作濡（音如）軟聲、發喜聲。謂佛以慈善為心，所出音聲巧順物情，能令聞者喜悅，皆捨剛強之心。（濡：柔順也、浸溼也。）

（三）和適音：又作和調聲、和雅聲。謂佛常居中道，妙解從容，所出音聲和雅調適，能令聞者心皆融適，因聲會理。

（四）尊慧音：又作入心聲。謂佛德位尊高，慧心明徹，所出音聲能令聞者尊重，慧解開明。

（五）不女音：又作無厭聲。謂佛住首楞嚴定，有大雄之德，所出音聲能令一切聞者敬畏，

天魔外道，莫不歸伏。

(六)不誤音：又作分明聲。謂佛智圓明，照了無礙，所出音聲諦審真實，無有差謬，能令聞者各獲正見。

(七)深遠音：又作深妙音。謂佛智幽深，行位高極，所出音聲自近而遠，徹至十方，令近聲非大，遠聞不小，皆悟甚深幽遠之理。

(八)不竭音：又作易了聲。謂如來願行無盡，住於無盡法藏，所出音聲令聞者尋其語義，無盡無窮。(以上糅合《佛光大辭典》)

◆佛告寂慧菩薩言：如來非於唇齒舌喉及其面門，出諸音聲。當知如來音聲，從虛空出，具有六十四種殊妙之相。(糅合《如來不思議祕密大乘經》卷七)

○同地水火風，虛空無分別。

※《佛說無量壽經》云：「猶如大地，淨穢好惡無異心故；猶如淨水，洗除塵勞諸垢染故；

猶如火王，燒滅一切煩惱薪故；猶如大風，行諸世界無障礙故；

猶如虛空，於一切有無所著故。猶如蓮華，於諸世間無染污故。」

※《華嚴經十迴向品》云：「菩薩摩訶薩以諸善根，如是回向時，用無所得而為方便，雖無分別而普入法界，雖無所作而恒住善根，：雖悉見諸法而無所見，普知一切而無所知。」

※《華嚴疏鈔》卷三十六云：「明理事無礙，約心，則寂照雙流。：所以寂而常照，照而

常寂，故終日知見，而無知見也。」

※《大佛頂首楞嚴經》卷四云：「譬如虛空，體非群相，而不拒彼諸相發揮。」

○天人不動眾，清淨智海生。

※《往生論註》云：「不動者，言彼天人成就大乘根，不可傾動也。」

※《佛說無量壽經》云：「諸佛告菩薩，今覲安養佛，聞法樂受行，疾得清淨處。

至彼嚴淨國，便速得神通，必於無量尊，受記成等覺。

其佛本願力，聞名欲往生，皆悉到彼國，自致不退轉。」

○如須彌山王，勝妙無過者。（以下糅合《往生論註》）

◆此二句，名莊嚴上首功德成就。佛本何故起此願？見有如來眾中，或有強梁者，如提婆達多流比。或有國王與佛並治，不知甚推佛。或有請佛，以他緣廢忘。有如是等，似上首力不成就。是故願言：我為佛時，願一切大眾，無能生心敢與我等。唯一法王，更無俗王。是故言：如須彌山王，勝妙無過者。

○天人丈夫眾，恭敬繞瞻仰。（以下糅合《往生論註》）

◆此二句，名莊嚴主功德成就。佛本何故起此莊嚴？見有佛如來，雖有大眾，眾中亦有不甚恭敬。如一比丘語釋迦牟尼佛，若不與我解十四難，我當更學餘道。亦如居迦離謗舍利弗，佛三語而三不受。又如諸外道輩，假入佛眾，而常伺求佛短。又如第六天魔，常於佛所作諸留難。有如是等種種不恭敬相，是故願言：使我成佛，天人大眾，恭敬無倦。所以但言天人者，淨土無女人及八部鬼神故也。是故言：天人丈夫眾，恭敬繞瞻仰。

△「十四難」為：「世界及我常？世界及我無常？世界及我亦有常亦無常？世界及我亦非有常亦非無常？世界及我有邊？無邊？亦有邊亦無邊？亦非有邊亦非無邊？死後有神去後世？無神去後世？亦有神去亦無神去？死後亦非有神去亦非無神去後世？是身是神？身異神異？」佛陀對於此十四難，之所以不答？乃因為：（一）此等皆為無實之事。（二）一切法皆非「有常」，也非「斷滅」。（糝合《大智度論》卷二）

○觀佛本願力，遇無空過者，能令速滿足，功德大寶海。（以下糝合《往生論註》）

◆此四句，名莊嚴不虛作住持功德成就。佛本何故起此莊嚴？見有如來，但以聲聞為僧，無求佛道者。或有值佛而不免三塗，善星、提婆達多、居迦離等是也。又人聞佛名號，發無上道心，遇惡因緣，退入聲聞辟支佛地者。有如是等空過者、退沒者，是故願言：使我成佛時，值遇我者，皆速疾滿足無上大寶。是故言：觀佛本願力，遇無空過者，能令速滿足，功德大寶海。